

Här Claude Wiseler
President vun der Deputéiertechamber
19, um Krautmaart
L-1728 Lëtzebuerg

Lëtzebuerg, de 27. Mee 2026

Här President,

esou wéi d'Chambersreglement et virgesäit, bieden ech lech, dës parlamentaresch Fro un den Här Logementsminister weiderzeleeden.

Dat groussherzoglecht Reglement vum 20. Dezember 2019 iwwert d'Mindeststandarde vun der Hygiène an der Sécherheet bäi Mietwunnenge gesäit am Bezuch op de Brandschutz am Artikel 8 (3) ënner anerem dat hei vir: *“Pour tout immeuble dont la surface des chambres et locaux collectifs dépasse 300 m², qui a plus de trois niveaux ou qui est composé de plus de huit chambres, l'accès à la cage d'escalier se fait par des cloisons coupe-feu pendant 60 minutes et des portes coupe-feu pendant 30 minutes et par des cloisons et portes coupe-fumée. Dans un tel immeuble, les escaliers de secours sont désenfumés”*.

D'Definitiouen vun Niveaue suergt awer deelweis fir Duerchernee bäi de Bierger, well aus dem Text net kloer ervirgeet, ob et sech ëm sämtlech Stäck (Niveaue), also och Keller a Späicheren oder just tatsächlech exploitéiert Wunnfläch handelt.

An deem Zesummenhang géif ech dem Här Logementsminister gär dës Froe stellen:

- 1) Wéi gëtt den “Niveau” an dësem Fall definéiert? Handelt et sech just ëm déi Stäck, déi effektiv als Wunnfläch genotzt ginn oder zielt dozou d'Gesamtzuel vun den Uewerflächen an engem Gebai?
- 2) Wéi gëtt dës Reegelung am Fall vun Demandë fir entspreichend Gebaier an d'Locatioun ze ginn, respektiv zu deem Zweck ëmzebauen, ausgeluecht? Wéi vill där Demandë goufe säit dem Bestoe vum Reglement gestallt? Wéi vill goufen der am Bezuch op dee genannte Passage geneemegt, respektiv ofgeleent?
- 3) Gesäit den Här Minister vir, den Text vun deem genannte groussherzogleche Reglement un där Plaz zäitno ze preziséieren? Falls net firwat net?

Mat déiwem Respekt,

A blue ink signature of Fred Keup, written in a cursive style. Below the signature, the name 'Fred Keup' and the title 'Deputéierten' are printed in a black, sans-serif font.

Fred Keup
Deputéierten